

սարակ ամէն մի Արարատ սարը բարձրանալու փորձի հանդէպ:

«Առաջին փորձը, որ ձեռնարկուել էր առանց Արտվեանի, մատնուել էր անյաջողութեան: Պարբոտ մեծ մասով Արտվեանի ջանքերին եւ շրջահայեցողութեանն է պարտական, որ երկրորդ փորձին կարողացել է 15,138 փար. ոտք բարձրութեան հասնել եւ վերջապէս երրորդ անգամին էլ (սեպտեմբերի 26-28-ին) իսկապէս որ հասել է Արարատի կատարը, ուր մինչ այն, ջրհեղեղից ասդին, մարդկային ոտք կոխած չէ եղել:

«Գերման գիտնականը կենդանի հետաքրքրութիւն է ցոյց տալիս հանդէպ այդ երկրասարդ հայի եւ հայրենիք վերադառնալուց յետոյ նրան տանել է տալիս Դորպատ: Այնտեղ նա Արտվեանին հօր նման խնամում է եւ վեց տարի շարունակ ուսման տալիս իր հաշուին»:

«Այդ վեց տարիները կազմում են Արտվեանի կեանքի բախտաւոր շրջանը: Նա իր աչքերի առջեւ բացուած է տեսնում մի նոր աշխարհ: Այդտեղ նա մի այնպիսի եռանդով ու թարմ պատրաստակամութեամբ իւրացնում է ամէն ինչ, որ շուտով ինքզինքը բոլորովին հարազատ է դգում իր գերման շրջապատի մէջ: Այն փաստը, որ նա այդ ժամանակի ընթացքում ձեռք է բերում լեզուների մեծ ծանօթութիւն, ինքնին լաւ ապացոյց է նրա մտաւոր ընդունակութեանց, ինչպէս նաեւ այն իրողութիւնը, որ նա հանդէպ իր ուսուցիչների ցուցահանում էր շնորհակալութիւն ու անձնութիւն, պատիւ էր բերում նրա ազնիւ սրբոտին: Արտվեանի երախտագիտութիւնը տարածւում էր ամէնի եւ բոլորի վրայ, որ գերման անունն էր կրում: Եւ հայրենիք վերադառնալուց յետոյ նա ոչ միայն չէր փախցնում եւ ոչ մի առիթ՝ օգտակար լինելու Կովկաս ու Հայաստան այցելող ամէն մի գերման մարդրդի, այլ եւ իր կեանքի նպատակն էր սեպում:

7) Յայտնի է սակայն, որ Արտվեան ոչ թէ Պարբոտի սեփական միջոցներով է ուսել, այլ որ՝ Պարբոտ նրա համար կառավարական թոշակ է ապահովել լուսաւորութեան նախարարութիւնից:

գերման մշակոյթը եւ լեզուն տարածել վրացիների եւ հայերի մէջ»):

«Այն միջոցին, երբ եւ ծանօթացայ նրա հետ, 1844 թ., նա հարկւրից աւելի ասիացի երիտասարդ մարդկանց այնտեղ էր բերել հասցըրել, որ նրանք ի վիճակի էին բերանացի ու դրաւոր, այն էլ սահուն կերպով, արտայայտուել գերմաներէն լեզուով: Դորպատից վերադառնալուց յետոյ նա մի շարք տարիներ անցկացրեց Թիֆլիսում, որտեղ եւ բացառապէս զբաղուած էր իր երիտասարդ հայրենակիցներին ուսում տալով: Եւ որովհետեւ նա չափէն աւելի գերծ էր եսականութիւնից ու չափէն աւելի անգործնական նկարագրի տէր՝ անհրաժեշտ չափով իր անձի վերաբերմամբ եւս կիրառել տալու համար հին սկզբունքը, թէ՛ աշխատաւորը արժանի է իր վարձքին, ուստի եւ շուտով մատնուեց միւլթական դժուարութեանց, որոնք եւ դարձան նրա անկերբ վշտերի աղբիւրը: Միքա Շաֆին մի անգամ այսպէս յաջող կերպով արտայայտուեց նրա մասին. թէ՛ «Արտվեան ավալինջը էրմենին տըր, քի էրմենին եօխ տըր»: Մի լսուք, որ կրկնակ նշանակութիւն ունի. մէկ որ՝ Արտվեանը առաջին հայն է, որ բնաւ հայ չէ (այսինքն՝ ազաւ ու կաշառակեր մարդ չէ). մէկ էլ որ՝ Արտվեանը առաջին հայն է, որովհետեւ նա հայ չէ (բառի ամենավատ իմաստով):

«Դորպատի իր բարեկամների միջնորդութեան շնորհիւ Արտվեան, որ այդ միջոցին ամուսնացել էր մի գերմանուհու հետ, ստացաւ Երեւանի դաւառական դպրոցի տեսչի պաշտօնը, եւ սակայն մի այնպիսի խղճուկ ուժեղով, որ դրանով հազիւ կարող էր քարշ տալ իր կեանքը:

«Եւ արդէն շատ անգամներ առիթ եւ ունեցել ասելու, թէ Ռուսաստանում ուժեղինը

8) Բողենշտէդտ այստեղ, ինչպէս նաեւ մի քանի ուրիշ առիթներով, չափազանցնում է ասելով, որպէս թէ Ա-ի «կեանքի նպատակն» է եղել գերման լեզուն եւ մշակոյթը տարածել հայոց մէջ: Նրա կեանքի նպատակը եղել է՝ վերածնութեան ճամբու վրայ դնել իր հարազատ՝ հայ ժողովուրդը, հարկաւ եւրոպական ու նախ եւ առաջ գերման մշակոյթի լուսոյ տակ: